

II

Konkurs za upis u prvi razred srednjih škola u školskoj 2022/2023. godini traje:
za gimnazije, tehničke i srodne škole, srednje umjetničke i srednje vjerske škole od 21. juna do 29. juna 2022. godine.
Za srednje stručne škole od 21. juna do 29. juna 2022. godine.

Kandidati koji se opredjeljuju za upis u srednje umjetničke i srednje vjerske škole polažu specifični/praktični dio prijemnog ispita. Specifični/praktični dio ispita će se obaviti: za umjetničku školu (Srednja muzička škola) 21. juna 2022. godine u 9⁰⁰ sati.
- za vjersku školu (Medresa „Osman ef. Redžović“) 21. juna 2022. godine u 9⁰⁰ sati.

Na Konkurs za upis u prvi razred srednje škole kandidat je dužan dostaviti sljedeću dokumentaciju:

- Zahtjev za upis (poseban formular);
- Izvod iz Matične knjige rođenih;
- Dokaz o zdravstvenom stanju (Ljekarsko uvjerenje);
- Kandidati sa teškoćama u razvoju, pored dokaza o zdravstvenom stanju (Ljekarsko uvjerenje) dostavljaju:
- a) Pedagoški dosije iz osnovne škole,
- b) analizu i mišljenje stručnjaka iz odgovarajuće ustanove zdravstvenog ili socijalnog tipa kojim se određuje način edukacije;
- Originalnu svjedočbu o završenju osnovnog školstva;
- Originalno uvjerenje o uspjehu u VI, VII, i VIII razredu;
- Anketni upitnik potpisan od strane učitelja, koji sadrži: podatke o učenicima i podatke o izabranim a), b) i c) opcijama zvanja/zanimanja (upitnik kreira škola);
- Druga dokumentacija relevantna za utvrđivanje bodova u skladu sa Kriterijima.

Informacije o mjestu i vremenu predaje dokumentacije za prijem, mjestu i vremenu polaganja specifičnog/praktičnog dijela prijemnog ispita objavljuju se na oglasnoj tabli svake škole i putem informaciono-komunikacione tehnologije.
Izbor kandidata vrši se na osnovu Kriterija za upis učenika u prvi razred srednjih škola Zeničko-dobojskog kantona, koje donosi Ministarstvo.

Na osnovu člana 80. stav (7) Zakona o srednjoj školi („Službene novine Zeničko-dobojskog kantona“, broj: 9/17), Ministarstvo za obrazovanje, nauku, kulturu i sport donosi:

KRITERIJE

za upis učenika u prvi razred srednjih škola na području
Zeničko-dobojskog kantona u školskoj 2022/2023. godini

Ovim Kriterijima utvrđeni su uslovi za prijem – upis učenika u prvi razred srednjih škola na području Zeničko-dobojskog kantona u školskoj 2022/2023. godini.
Pravo upisa u prvi razred srednjih škola imaju učenici sa završenom osnovnom školom, koji na dan upisa nisu stariji od 18 godina.

U srednju školu za učenike sa teškoćama u razvoju pravo upisa imaju učenici koji na dan upisa nisu stariji od 20 godina.

U prvi razred srednjih škola upisuju se učenici u skladu sa Planom upisa učenika u prvi razred srednjih škola za školsku 2022/2023. godinu, koji donosi Ministarstvo za obrazovanje, nauku, kulturu i sport.

Upis učenika realizira komisija, koju imenuje nastavničko vijeće škole.
Rang listu svih kandidata i spisak primljenih učenika škole su dužne objaviti na oglasnoj tabli, nakon što je verificira nastavničko vijeće škole, najkasnije dva dana nakon zatvaranja Konkursa i istu dostavlja Ministarstvu za obrazovanje, nauku, kulturu i sport na dalje postupanje.

Prijem učenika u prvi razred srednje škole vrši se po istim uslovima za sve učenike državljanke Bosne i Hercegovine, povratnike iz inostranstva kao i za strane državljane i lica bez državljanstva u skladu sa članom 12. Zakona o srednjoj školi („Službene novine Zeničko-dobojskog kantona“, broj: 9/17).

Izbor kandidata vrši se na osnovu Kriterija koji su sastavni dio Konkursa za upis u prvi razred srednjih škola.
Konkurs za upis u prvi razred srednjih škola objavit će se u sredstvima informisanja, najmanje dva mjeseca prije početka školske 2022/2023. godine.

Učenik koji je u toku odgoja i obrazovanja u osnovnoj školi postigao izuzetne rezultate i proglašen učenikom generacije, stiče pravo upisa u prvi razred izabrane srednje škole bez bodovanja.

Kandidati koji se opredjeljuju za upis u srednje umjetničke škole i srednje vjerske škole, polažu specifični/praktični dio prijemnog ispita.

Prijem učenika u prvi razred gimnazije, tehničke i srodne škole vrši se na osnovu:
- općeg uspjeha kandidata postignutog u VI, VII, VIII i IX razredu osnovne škole izračunatog na dvije decimale,
- uspjeha iz relevantnih nastavnih predmeta u skladu sa realiziranim Nastavnim planovima i programima za VI-IX razreda osnovne škole, rezultata postignutih na općinskom, kantonalnom i federalnom takmičenju iz nastavnih predmeta relevantnih za određenu vrstu srednje škole u VI i VII razredu osnovne škole,
- posjedovanja posebne diplome za postignuti uspjeh iz člana 58. stav (1) Zakona o osnovnoj školi („Službene novine Zeničko-dobojskog kantona“, broj: 3/18).

Prijem – upis učenika u prvi razred srednje umjetničke škole i srednje vjerske škole vrši se na osnovu:

- općeg uspjeha kandidata postignutog u VI, VII, VIII i IX razredu osnovne škole izračunatog na dvije decimale,
- uspjeha iz relevantnih nastavnih predmeta za određenu vrstu srednje škole, rezultata postignutih na općinskom, kantonalnom i federalnom takmičenju iz nastavnih predmeta relevantnih za određenu vrstu srednje škole, u VI i VII razredu osnovne škole,
- posjedovanje posebne diplome za postignuti uspjeh iz člana 58. stav (1) Zakona o osnovnoj školi („Službene novine Zeničko-dobojskog kantona“, broj: 3/18),
- rezultata postignutih na specifičnom/praktičnom dijelu prijemnog ispita.

Prijem učenika u prvi razred stručne škole vrši se na osnovu:

- općeg uspjeha kandidata postignutog u VI, VII, VIII i IX razredu osnovne škole, izračunatog na dvije decimale, uspjeha iz relevantnih nastavnih predmeta u VIII i IX razredu osnovne škole za određenu vrstu srednje stručne škole,
- rezultata postignutih na općinskom, kantonalnom i federalnom takmičenju u VI i VII razredu iz predmeta relevantnih za određenu vrstu srednje stručne škole u VI i VII razredu osnovne škole,
- posjedovanja posebne diplome za postignuti uspjeh iz člana 58. stav (1) Zakona o osnovnoj školi („Službene novine Zeničko-dobojskog kantona“, broj: 3/18).

Rang lista kandidata dobija se zbirom bodova koje je kandidat ostvario po osnovu:
- općih uspjeha kandidata postignutih u VI, VII, VIII i IX razredu osnovne škole izračunatog na dvije decimale i uvećanih tri puta,
- uspjeha iz relevantnih nastavnih predmeta (odličan 5 bodova, vrlo dobar 4 boda, dobar 3 boda i dovoljan 2 boda) u skladu sa Nastavnim planovima programima VI-IX razreda osnovne škole,
- rezultata postignutih na takmičenjima iz relevantnih nastavnih predmeta za određenu vrstu srednje škole u VI i VII razredu osnovne škole.

Za jedno od osvojenih mjesta na takmičenju učenika osnovnih škola na nivou Federacije BiH dobije se:

- | | |
|--------------------------|----------|
| a) za osvojeno 1. mjesto | 5 bodova |
| b) za osvojeno 2. mjesto | 4 boda |
| c) za osvojeno 3. mjesto | 3 boda |

Za jedno od osvojenih mjesta na takmičenjima učenika osnovnih škola na nivou Kantona dobije se:

- | | |
|--------------------------|--------|
| a) za osvojeno 1. mjesto | 4 boda |
| b) za osvojeno 2. mjesto | 3 boda |
| c) za osvojeno 3. mjesto | 2 boda |

Za jedno od osvojenih mjesta na takmičenjima učenika osnovnih škola na nivou općine dobije se:

- | | |
|--------------------------|--------|
| a) za osvojeno 1. mjesto | 3 boda |
| b) za osvojeno 2. mjesto | 2 boda |
| c) za osvojeno 3. mjesto | 1 bod |

Po osnovu takmičenja iz ovog Kriterija boduju se samo takmičenja koja su zvanično organizovana na nivou općine, Kantona i Federacije BiH, i to iz nastavnih predmeta matematika, fizika, strani jezik i informatika, a za umjetničke škole i srednje škole za vjerske službenike iz takmičenja u okvirima te struke.

Specifični/praktični dio prijemnog ispita u umjetničkoj školi i srednjoj školi za vjerske službenike, polaže se po posebnom programu koji određuje škola.

Specifični/praktični dio prijemnog ispita polaže se pred Komisijom, koju imenuje nastavničko vijeće te škole iz reda nastavnika.

Specifični/praktični dio prijemnog ispita u umjetničkoj školi i srednjoj školi za vjerske službenike je eliminatoran.

Kandidat iz specifičnog/praktičnog dijela prijemnog ispita može maksimalno osvojiti 15 bodova.

Kandidat je položio specifični/praktični dio prijemnog ispita ako osvoji najmanje 10 bodova.

(nastavak na strani 14)